



## Aningaasaqarnermut Naalakkersuisoq

**Dato:** 3. juli 2020  
**J.nr.:** 01.31.06/20-00887

**Aningaasaqarnermut Akileraartarnermullu Ataatsimiititaliap pingasunnngornermi ulloq 24. juni 2020-mi aalajangiineranik Naalakkersuisunut ilisimatitsineq.**

**Konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutini aningaasaliissutinit Konto pingaarneq 64.10.35 Coronavirusi (COVID-19) tunngavigalugu inuussutissarsiorfimmumut ikiorsiissutinit nuussinerup piviusunnngortinnissaa siunertaralugu tapiliutitut aningaasaliissutinik qinnuteqaat. COVID-19-imut ikiorsiissutinit aningaasaliissutit atorlugit COVID-19-imut ikiorsiissutit kukknersiornissaannut aningaasartuuteqarfiusinnaanerit aamma tapiliutitut qinnuteqaammiippoq. – Suliaq nr. 01.31.06/20 – 00887. **Nukingiussassaq.****

”Naalakkersuisut **inassutigaa**,

- konto pingaarneq 64.10.35 Coronavirusi (COVID-19) tunngavigalugu inuussutissarsiorfimmumut ikiorsiissutinit aningaasaliissutit 88.000.000 kr.-nik amerlineqassasut, aamma
- konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutinit aningaasaliissutit assinganik 88.000.000 kr.-nik ikilineqassasut.
- 2020-mut tapiliutitut aningaasaliissutinit inatsisissatut siunnersuummi ilanngussaq kakkiunneqartoq najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmumut ikiorsiissutinit oqaasertaliussat nr. 2 ilanngunneqassasut
- 2020-mut tapiliutitut aningaasaliissutinit inatsisissatut siunnersuummi ilanngussaq kakkiunneqartoq najoqqutaralugu konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutinit oqaasertaliussat nr. 2 ilanngunneqassasut.”

### **Finans- og Skatteudvalgets bemærkninger og spørgsmål:**

Suliaq nukinginnartuunera pissutigalugu suliama matumani aalajangiinerminik Naalakkersuisut siullermik ilisimatinnissaat ataatsimiititaliap toqqarpaa. Tamanna pivoq allakkatigut 24. juni 2020-meersutigut. Tamatuma kingorna suliama oqaaseqaatini, inassutini kiisalu apeqqutini erseqqinnerusut allakkani immikkut ataatsimiititaliap nassiutilersarpai.

Ikiorsissutit siunertaanngitsumik atorneqartariaqannginnerannik aammalu aaqquissuussinerit atorneqarnerannut atatillugu nakkutilliisoqartariaqarneranik ataatsimiititaliap Naalakkersuisut isumaqatigai.

Ataatsimiititaliap isumaa malillugu qanittumut isigaluni manna tikillugu iluuserineqartut saniatigut ungasissumut isiginerulluni aaqquissuteqarnissaq aamma piariaqartinneqassaq.

Taamaattumik coronap inuiaqatigiittut aningaasaqarnitsinnut sunniutissai pillugit periusisiamik ukiunut arlalinnut atuuttussamik suliaqartoqarnissaa ataatsimiititaliamit ujjartorneqarpoq.

Siuliani allassimasut tunngavigalugit makku qulakkeerumallugit Naalakkersuisut sunik isumaliuteqarsimanersut akissuteqarfigineqassasoq ataatsimiititaliamit kissaatigineqarpoq:

- Suliffeqarfiit suliaqarfiillu piusinnaassuseqartut coronap ajornartoortitsineranik qaangiinissamut sapinngisamik pitsaanerpaamik atugassaqartinneqarlutik periarfissinneqarnissaat qulakkeerneqassasoq. Illuatungaatigut tamanna isumaqarpoq suliffeqarfinnik imminut akilersinnaanngitsunik napatitsiniarnermut aqqissuussinerit peqataaqataannginnissaat qulakkeerneqartariaqartoq.
- Coronap nunarsuatsinnut tamarmut ajornartoortitsinera nunatsinnit avammut tunisat akiinut taakkulu piumaneqassusiannut pitsaanngitsumik sunniuteqarnissaata annikin-nepaaffianiitinnissaa.
- Immikkoortut inuiaqatigiit aningaasaqarnerannut suliffissaqartitsinermullu immikkut pingaarutillit allat ineriartornerannut malinnaanissaq.
- Coronap ajornartoortitsinera suliffeqarfinnut namminersortunit pigineqartunut taamaallaat eqquinnginnera, aammali ingerlatseqatigiiffiit suliffeqarfiillu namminersortitat Namminersorlutik Oqartussanit pigineqartut inuiaqatigiinni aalajangiisuusumik sunniuteqartut eqqorneqarmata eqqumaffigissallugu.
- Coronap ajornartoortitsinerata najukkani mikinerni imaluunniit sumiiffinni allani inuiaqatigiinnut sunniutai, illoqarfinni annikiginarsinnaagaluartut, sakkortoorujussuarmik kinguneqarsinnaasut immikkut eqqumaffigineqartariaqarmata. Taamaammat ajornartorsiornerup nalaani ataatsimut isiginnilluni iluarsisuteqarnissaq ataatsimiititaliamit kaammattuutigineqarpoq. Assersuutigalugu eqqumiitsuliortut takornarianut eqqumiitsulianik tunisaqartartut takornariaqarnermut ikiorsiissutinut ilanngutsinneqarnerat pissusissamisuussaaq.

Coronap nassatarisaanik ajornartoornerup qanoq sivisutiginissaa nunattalu karsianut qanoq akeqarnissaa suli nalunarpoq. Aningaasartuutaasariaqartunut aningaasalersuutissanik pissarsiniarneq Naalakkersuisunit sulissutigineqartoq ataatsimiititaliamit ilisimaneqarpoq. Coronap ajornartoortitsinerata nassatarisaanik taarsigassarsiassatut pisariaqartinneqartut qanoq amerlatiginissaat Naalakkersuisunit ilisimaneqarpa?

Apeqqutit sapinngisamik piaarnerpaamik akineqarnissaat Aningaasaqarnermut Akileraartarnermullu Ataatsimiititaliamit naatsorsuutigineqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua